

Александра  
Мишарина

# Виль- ыш- поз

— Кати  
Книжной  
издательство 1993



Chickadee  
Admission

Yellow mark

Александра  
Мишауртца

# ВИЛЬЫШПОЗ

Кывбурьяс



Сыктывкар  
Кош книжнэй издательство  
1993

84.2Рос 6—5  
М71



ISBN 5-7555-0499-7

© Мишарина А. П., 1993  
© Осипов В. Б., иллюстрации, 1993  
© Коми книжной издательство, 1993

## ВИЛЬЫШПОЗ

Ме со быдма воысь-во,  
Дас арös нин меным со.  
Мамö шуö, он тай дышмы,  
Кор оз ков пö весиг ышман.

Быдтор жö нин тэныд колö,  
Кöть и этша на зэв олан.

\* \* \*

Лымйыс сапкис-усис ёна,  
Сымдаыс оз овлы онас.  
Сэссия öти войö небзис,  
Гажаа зэв лым мач лэбзё.

Еджыд сёй кодь киад сйö,  
Но ми сйөн ог на лыйö.  
Вöчам лымйысь сэтшöм крепость,  
Лым мачыд оз жугöд небось.

Сы сайсянь ми сэссия асьным  
Орчча крепостьсасö пасьям.



## МЕНЫМ ЖАЛЬОСЬ

Руч пö мудер,  
Кöч пö полысь,  
Кöин скөр да вывті горш.  
Ур пö пельк зэв,  
Вөркань колысь,  
Гуын төвбыд узьö ош.  
Оз на дышла пöж сэн мышсö  
Вöрса мишка ньöти войт.

Йöра мед кö  
Ыджыд ветлö,  
Посниясöс оз на дойд.

Парма-вöрас быдөн төрас:  
Скөр и мудер, но и мед.  
Меным жальöсь ставныс найö,  
Мортлы некод мед оз шед.

## ЧОШÖ

Öнi порсьыд миян сиктын  
Быд овмöсын эм.Сыкöд ноксьöм,  
Бöрд кöть серав,  
Сюрö тай и мем.  
Мам-бать удж вылынöсь кодыр,  
Чошöтö быть верд.  
Сэсся-й мед на потшöс сайö  
Некытчö эз берд.  
Сёян ворсö сöмын пукта,  
Путкыльтас и пом.  
Гид пос косявлас тай сідзи,  
Абу ныр, а лöм.

Отчыд пышйöма йөр сайö,  
Чошö мен эз сюр:  
Ыджыд няйт гуранысь весиг  
Ме эг казав юр.  
Мöс кö вöлі, лунтыр йирсис,  
Рытнас сöмын йöрт.  
Но оз лöсьöд мамö сійöс,  
Кöть сэсся тэ бöрд!



## ГОЖСЯ АСЫВ

«Чив-сьыв! Чив-сьыв! —  
Эновт ассьыд вольпась выв»  
«Діль-доль! Діль-доль!» —  
Асья унмысь нем эз коль.

«Тюр-р-кур-р! Тюр-кур-р!» —  
Шонді мыччысьома бур!

## КАНЯ-ПӨЧА

*(кывбертлас)*

Пывсян йөрө шыдос көдзө  
Менам пөчө.  
Васька каньным сэн жө жөдзө...  
Кодлы стөча,  
Лэбачлы-ө, каньлы пөчө  
Сёян вөчө?

## КОДІ МЫЖА?

Көза видзё менам мамө:  
Чөрт кодь сюра да и сяма.  
Ньөрйөн гидө йөртны кути,  
Зяткис сюръяснас, и туті...  
Нөшта вөтчис тошка юрнас,  
Потшөс костө сибдіс сюрнас.  
Майөг рутшка-ратшкакылө:  
Мыжсө вештісны ме вылө.



## МУРКА

Көмтөм кокнас  
Лым вылас и бөрдө.  
Ичөт нырыс  
Кынмөма нин гөрдөдз.  
Ыджыд дядьö мунис,  
Шуис: «Кысань!  
Код нин тәнö

Шыбитөма кысянь?»  
Төдтөм тьötө  
Мыйөн аддзис каньсö:  
Рөдмөмныд пö!..  
Дөзмөдiс мөй аньсö?  
А ме босьтi да

И вайи гортö.  
Дерт жö, мамлысь  
Юасьтөг ни кортөг.  
Миян Мурка  
Водзöстö эз вунöd:  
Кыйö шыр  
И каньпи вайö уна!..



\* \* \*

Зэр шыё садьми,  
Шорыс миян туома.  
А асья зэрыд  
Гөсть пө, йөзыс шуоны.  
Ме шобді пызьсө  
Блин пөжавны гудралі  
И чериняньө ёкышпиян  
Вугралі.  
Кор шонді петіс,  
Самөварөй пузис нин.  
А менам гөстьяс гортас  
Век на узисны.

Лымъялөма, майбыр, ывла!  
Лыжи гозйөс корсьны куті:  
Поспом улысь, мудөг вылысь  
Оти пөлыс эськө тутіс.

Да и сійө орөм көвья,  
Бедьяс йылысь сёрни абу:

## ГРАД ЙӨРЫН

Пелысь тугьяс —  
Стенын, вугйын.  
Вомын — көрыс.  
Чөсмасьнытө  
Кужам митө  
И град йөрын.

Помидорыс  
Ачыс корө,  
Эн нин сёрнит.  
Юрсиөдыс  
Муысь шедө  
Шаньмөм сёркни.

## ОКМА! КЫВЗЫСЬНЫ КОЛӨМА!

Гашкө, вөчлі наысь ньөвьяс.  
Вугыр шайт ли, артмис таб-ө?

Забеднө, да мый нө вөчан?  
Выль лызь гоз оз сразу чукты.  
Збыль тай вөлөм шуө пөчө:  
«Босьтан, местаө кө пуктан».



## ВОТЧЫСЬ

Чойкөд ветлім вотны чөд,  
Кияс, вом дорьясным съод.  
Менам чуман пыдөс тыри,  
Сэсся чөдйыс вөрсьыс быри...

Чатрасян пө, шуө чойө,  
Ог эськө да — вомой сөйө...

\* \* \*

Шондыс көть пөжө ёна,  
Он на менө вывті донөд.  
Петала сутш кежлө ваысь,  
Ог на пөсяв ёна таысь.

Лыа сотыштлас кын яйөс,  
Сэсся бара суна ваө.

## КИЗЬӨР ВА

Бона вывсянь чери кыйи,  
Шатин бөрся туті-луйи...  
Повзьөмөйла вуні ставыс,  
Кутшөм кизьөр вөлөм ваыс!

— Ыджыд чери, — мамлы шуи, —  
Менө ю шөрөдзыс нуис.

## ПӨТ КАНЬ

Дышмыны зэв кутіс Васька,  
Оз и кыйсьы, сөйө дасьсө.  
Лоис сійө вывті писка,  
Кынөм пөт, век узьө-нискө.

Паччөр сэрөг пөчкөд юкө.  
Оні шыркөд көть и люкөд —  
Сэтшөм веськодь сылы сійө,  
Колө кө пө, асьныд кыйө.

## КАТША

Майөг йылын катша китшкө,  
Мый нин, коньөр, сійө витшкө?  
Норасьө, мый төлыс воис,  
Сөян-юан этша лоис.

Катшаыд, дерт, абу тури,  
Сылы-й төлын нуртор сюрө.  
Тузиклысь со лытор гуис,  
Пывсян вылө өдва нуис.

Сэсянь бөбмөм понкөд вензьө,  
Васька каньным бокын шензьө.



## ВАСЬКА

Ваня радейтö зэв каньтö,  
Вомас сюяс весиг паньтö.  
Чышгьянöдлас, пуктас шапка.  
Сэсся Васькаыд кызд тшапкас.

Шуö быттьö, тадз эн пыркöд,  
Менам уджöй — ворсны шыркöд.

## БУСКО

Буско оз нин микöд дур,  
Пельыс чош, и вылын юр.  
Быттьö тöдö ассъыс дон —  
Лоис тölка кыйсян пон.

Весиг миян Васька кань  
Сыкöд лöсялö, зэв шань.  
Оз нин мегырсьöдлы мыш,  
Кысь нин паньд лэдзны гыж.



## РЕГЫД ШКОЛАӨ

Медводдзаысь школаө  
Коркө бара вола-ө?  
Мыйла август төлысяс медся уна лун?  
Быдмышті и раммышті,  
Лыддысьны нин сяммышта,  
Босыт да көть и öні жö сумкаась да мун.

Уна төдны көсийссьö,  
Сідз и сьөлөм вöзийссьö,  
Сумка пытшкө тэчöма сымда озырлун.  
Менам ставсö дасьтöма —  
Книгаяс и паськөмсö.  
Водзвыв нин со төждыся, нинөм мед эз вун.

## КОСЪЯ БЫДМЫНЫ

«Ньöжйö быдмö, медся ичöt, —  
Дэльöдöны, — видзöд, видзöд!»  
Пöчö сьөлөм сетö меным:  
Зэр улö пö колö тэныд.

Быдман тшак моз, он и төдлы,  
Оз ло посни миян рöдным.

## КÖДЗЫД ЛУНО

Кöдзыд вöсна талун  
Школаө ог мун.  
Мороз пöльыс сетіс  
Меным шойччан лун.

Сідз жö Миша ёртöй  
Кöдзыдыслы рад.  
Ог жö паччөр вылын  
Коллялöй ми кад.

Ми коддьöмнас талун,  
Майбыр, кыр йыв тыр.  
Шумыс-гажыс сәні  
Пемыдöдз оз быр.



## ЛОКТӨ ТӨВ



Мича еджыд бисерөн  
Парма ордым визирё  
Лымйыс пуксьё чöv.  
Кынмём гөпъяс, шоръясö,  
Ыб вылө и боръясö...  
Локтө еджыд төв.

Бөрья дзодзөг-юсьяслөн  
Быттьö гöныс усьяссьö,  
Клуксём налөн нор.  
Шолякылысь наридзөн  
Ю нин кывтö саридзö.  
Йизьö берег дор.

Регыд гажөн шызясны  
Кыръяс. Даддьөн-лызьясьөн  
Волькмöдамöй чой.  
Мед нö шоныд вольпасьөн  
Кынмём мусö вольсалö  
Лымйыс лун и вой.

\* \* \*

Пуясös со  
Серöдлö нин зарни,  
Сідзкö, чужан муö воис  
Ар нин.  
Бөръя лунъяс,  
Шойчöмсьыс нин мудзи.  
Гажа гожöм  
Нинöмön эз удзöд.  
Гожйöдiс и купайтчöдiс  
Пöттöдз.  
Гыма кымөр зәръяснас  
Тшöтш рöдгiс.

\* \* \*

Лун-лун чери кыя каньлы,  
Медся ырьянлы и шаньлы.  
Мед оз лэбачьясöс вөрöд,  
Кодъяс пуксьывлöны йөрö.

Пöт кынöмнас миян Кузя  
Шнëпвидзö да нистö-узьö.

\* \* \*

Чужгiс тшак и вотös,  
Чöсмасьны мед.  
И со ыркалö нин  
Арся сынöд.  
Кыдзкö жаль и долыд  
Август помас,  
Ичöт чойлөн  
Вашмунöма вомыс:  
Таво мекöд школаö  
Тшöтш мунас  
Локтысь гажа  
Сентябрь первой лунас.

\* \* \*

Кунва кодь дзик ваыс юас,  
Шондi улын быттö пуö.  
Ок и лöсьыд, ок и долыд,  
Гортö пöшти ог и волы.

Юлань лэчча, шондi чеччö,  
Юсянь локта, шондi лэччö.



«Коқой, коқой, котөрт  
Чөдзя-пувзя ягө,  
Мырпома нюрө...».

Коми народной фольклорысь.



## МАШУК

Ичөт кинас кутчысьома  
Лабич дорө.  
Новлөдлыштны джодж кузяла ёна корө.  
Пиньтөм вомыс шешмунөма,  
Оз куж шуны.  
Дзоля кокиньясыс сылөн  
Оз на нуны.  
Көсийомыс да окотаыс  
Сідз и петө!  
Котравны пө чужи, войтыр,  
Вольной светө.  
Вөрөд-ягөд ветлөдлыны  
Видзьяс вывті.  
Сөстөм, югыд ваа юөд  
Пыжөн кывтны.  
Лэбачьяслысь гажа дзользьөм  
Медым кывны.  
Мыла коми сыланкывьяс  
Ті моз сывны.  
Аслам челядь вөсна төждысьны  
Да повны.  
Тайө бур му вылас медым  
Зэв дыр овны.

Чизыр вой төв петіс, Асыв. Коть эн чеччы,  
көдзыд зэрөн швичкө. Ывлаыс зэв руд да.  
Вадор бадьяс летө, Лымйой, вай нин лэччы,  
Муөдзыс дзик личкө. Вөр-ваыс мед югдас.



## КӨДЗЫД ТУЛЫС

Пемыдөсь на войясыс,  
Лэбалө на лым.  
Оз на гожйод шондыс,  
Ньоти абу пым.

Восьтны дзирья өшиньяс  
Жарсьыс оз на ков.  
Ыркыд на и көдзыд на  
Ывлаыслөн лов.

Шоныд зэртөг вежөдны  
Оз на вермы видз.  
Полігтырйи корьяссө  
Мыччө еджыд кызд.

Вөрын лымйыс уна на,  
Эз на косьмы шор.  
Век жө быд лун гагаджык  
Лэбачьяслөн гор.

Лун төв ваяс шоныдсө,  
Оз нин көдздөд бөр.  
Сійөн өд и вой төлыс  
Бөрья луньяс скөр.

## МАЙШАСЬӨМ

Васөд муыс, васөд сынөд.  
Зэрсьыс таво ог мөй мынөй.  
Оз мөй гажа югыд шонді  
сьөдөдз гожйөднысө понды?

Оз мөй купайтчөдны көсйы,  
Оз тай кунва таво вөзйы.  
Юыс ямнысө оз слөймы,  
Майбыр, жар жө вөлі мөйму!

Таво зэрыс ставсө торкө,  
коблас енэжыс-ө коркө?  
Таво гожөм ме нин вөла,  
регыд Рыжко вылө сөла.

Турун пуктан кад нин воө,  
мед жө кос поводдя лоө.



## МАЙ

Турун мыччыны со нырсö  
оз на лысьт.  
Мöскыд Коми муад йирсьö  
тöлысь мысть.  
Унаысь на енэжсяньыс  
усьö лым.  
Шондi коркö дзоргö шаня,  
коркö кын.  
Май тöлысьыд, челядь котыр,  
медся бур.  
Шорысь сямöд пыжöс котөр  
кыска гур.



Сэсса вывсянь бара лэдза,  
радыд мен!  
Лунтыр шор дорын ме педза,  
гажа сэн.

## СЮМÖД ПЫЖ

Шондi лымсö азыма зэв нюлис,  
Чайтiм, мися, тöлыс сэсса кулис.  
Асыв. Садьми, видзöдлi град йөрö:  
Лымйыс сапкысьöма мыйта төрö.

Сямöд пыжöй кымöма бөр шорö,  
Бытгö менсьым мездысьнысö корö.  
Энлы, думысь шуа вöчöм пыжлы,  
Шондi петас паныд йиа гыжлы.

Мездман йисьыс, шорыс бара тюрас.  
Тэныд, пыжöй, визув ваыс сюрас.  
Петкöдас на сийö ыджыд юö,  
Кывт да радлы муса Коми муöд!

## ТОМЛУН

Быд асыв и быд лун,  
Дзик первой классянь,  
Портфельяс кыскалі ме  
Машалысь и ассьым.  
Эг корсьлыв некор, некысь  
Дзедсян места,  
Кор дэльөдісны:  
«Жөник да невеста!»

И колис кад, ми со нин  
Дасөд классын.  
И висьтасис мен Маша  
Кыддза раскын,  
Мед эг нин сэсса сы бөрся  
ме вөтлысь.  
А ме нин ачым  
Фото видза мөдлысь...

## ТШАЙКО

Дом йылысь кор мынлө Тшайко,  
Нимкодъисла дыр оз сайкав.  
Лыйыштлас то карта дорөдз,  
Дэльөдө, тшөтш менө корө.

Котралыштам пө вай кыкөн,  
Дыр ог думайт, со нин сукөд

Ризъялам ми керка гөгөр.  
Чужөм өзйө — биа өгыр.

Тэрыб Тшайко бөрся вөтча,  
Сійө ышмө, нөшта өддзө.  
Дом йылад пө кутшөм олөм,  
Медся ёна вөля колө.



## ТУРУН ПУКТӨМ

Со тай, майбыр,  
гожом жарсө сетис.  
Том и пöрысь  
видзьяс вылө петис.  
Гыма кымөр  
повзбодлыштас недыр,  
Ошкамөшка бара нин  
кыз мегыр.  
Кусыньтчөма  
сикта-юа вомөн.  
Пукалыштам недыр  
зорөд помын.  
Оз кө куртны шогмы,  
уджыд сюрас.  
Зонка майөгьясла  
вөлөн тюрас.

Кутис йи, ми мөдлапөлө  
Талун вуджалім нин вөлөн.  
Еджыд пася козьяс дорө,  
Көні зымвидзис ён зорөд.

Аньяс оз на чөвтны  
кисьыс куран.  
Бергөдлөны, пыркөдөны  
турун.  
Мужикулов  
зорөд пиньяс ёсьтө.  
Гожся шонді  
турунсө бөр косьтө.  
Төв ныр мыжа морт моз  
кымөр вөтлө.  
Кисьтнытө пө тырмас,  
сэссия пөтлө.  
Лэччы карө,  
бус-няйтсө сэсь мыськы.  
Миянө бөр локтан  
турун пуктөм мысти.

## ТУРУНЛА

Гожөмнас ми сійөс чөвтім,  
Онi додьяс вылө сөвтам.  
Батькөд ваям карта дорө,  
Сюрукным өд важөн корө.



## ТАЙӨ ВӨЛІ СӨДЗЬӨ ДОРЫН

(МОЙДКЫВ)

Сійө төвнас, эз на вун өд,  
Сапкис лымйыс лунысь лунө.  
Коді сөмын эз и тунав;  
Нянь да вотос лоо уна.

Кыз и вөр-ваыслы колө,  
Төв бөрсяыс тулыс волө.  
Саридз пасьта ытва вөлі,  
Ямис ньөжйөника, чөла.

Сэсса мича Сөдзью вожын  
Пуксис шоньд гажа гожом.

Пожом сирлысь кургов көрсө  
Ягын апалис сэн Вөрса.  
Васа болскөдчис сэн нюрын.  
Зыкөн олісны... Мый бурыс?

Вөрса Васа вылө горзө:  
«Мыйла ныран мырпом корсө,  
Нюйтось бөжнад тыас сунав,  
Ваыс, майбыр, тырмө уна».



«Чардби тэныд кос рой тошкад!» —  
Васа воча сьлы пошкө.

\* \* \*

Кыкөн вензёны кө, пөвстас  
Суюсян — ыджыдджык би өзтан.  
Вензысьяслы шогыд ылө  
Гыма кымөр найөс кылө.

Скөрйывсьыд кө мыйкө вөчан,  
Неминуча суас стөча.  
Биа ньөвнас чардби лыйө,  
Конда пуө инмө сийө.

Оз ков сямөд ни тай сартас,  
Биыс өзийө, төлыс гартас...

Мыйыс сөмын тан оз вөчсьы:  
Биысь пышйө ручыс көчкөд.  
Йөра ошкөд, быттьө вокьяс, —  
Сідз и печласьёны кокьяс.

Сотчисны и гутьяс, номьяс,  
Чишкасисны медся ёньяс...

Мыжтөм-гректөм кывтөм пемөс  
Муртса дзикөдз эз во немө.

Век жө бурыс лөксө вермө,  
Со нин вөляникысь зэрмө...

Кытчө сөмын вошис Васа?  
Чишкасьёма жө пө, паса.  
Вөрса төвзёма зэв ылө,  
Одва котшөс дукуыс кылө.

Вөр-ватө кө юкны мөдан,  
Либө сотчан, либө пөдан.  
Бур му вылас овны зыкөн —  
Чегны олөмыслысь пыкөд.

Няньён-солөн юксьө коді,  
Шуда мөвпьясөн пыр водө.

\* \* \*

Толаяса вөлі йөр,  
Со нин сералёны шорьяс.  
Мыйла бырө лымйыс бөр,  
Бара мыччысьёны борьяс?

Вижьюр дзоридз нюмдіс мен:  
Чатөртчыв пө енэжланьыс.  
Таысь мыжаыс со сэн —  
Медся югыдыс да шаньыс.

## МЫЙ И ЗЭРӨ?

Мый и зэрө, менө нерө  
Ывла вылыс пыр?  
Ло пө мортөн,  
пукав гортын,  
Керкаө пө пыр —  
Мамө видчө.  
Пет көть кытчө,  
Быдлаын тай няйт.  
Паськөм вазис,

\* \* \*

Июль шөрын вой төв швичкө,  
Быд лун гудыр кымөр личкө.  
Сэсса кисьтө көдзыд зэрөн,  
Катшашыдөсөн да шерөн.

Град выв пуктас таысь нэрмө,  
Турун пуктыны ог вермөй.  
Кутшөм купайтчөм нин өни,  
Югид шондйөй, тэ көни?

Виччысим ми төв и тулыс,  
Колан миянлы и мулы.  
Кор нин шоньдтө тэ сетан?  
Виччысям и эскам — петан.

эг и казяв,  
Көтасьны эг чайт.  
Ме мөй мыжа,  
дзибрөс пыжөс  
Гөп шөрысь эг судз.  
Сэсса подөн  
локти гортө.  
Со и ставыс «рудз».

## ВИЧЧЫСЯ ЛЫМ

Бара лымйыс сыліс,  
чайті, мися, оз.  
Эм өд таво менам  
дзик выль лыжи гоз.  
Виччыся ме лымсө,  
кор нин воас төв?  
Арнад сөмын сійө  
сывлө уна пөв.  
Көдздодас кө эськө,  
оз нин сэсса сыв.  
Өдйөджык вай, төлөй,  
шу тэ ассыйд кыв.

\* \* \*

Изъя берег вывті чожа  
Көмтөм кокнад он на мун.  
Майбыр жө нин, кодыр гожөм,  
Нөшта — шондіа кө лун.

Ваысь петалам и бара  
Сунам, уялам вель дыр.  
Рака кок кодь кокным, сарөг,  
Весиг пывсянын оз быр.

Ок, и лөсьыд жө нин юас,  
Көть эн петав сэтысь сутш.

Сөмын полан, кымөр суас,  
Сетөма өд тэныд удж.

Өшинь улын косьмө турун,  
Төдлытөг кө воас зэр,  
Сэк оз отсав весиг куран —  
Мам-бать петкөдласны «шер».

И кыз овлө, бара вунө —  
Ді вылынөсь нин ми со.  
Эг и төдлөй, локтіс кунөр,  
Өні гортөдз он нин во.

#### АР

Мөдлапөлын  
Гажа вөлі  
Страдна дыр.  
Гожөм коли,  
Өні олын  
Зорөд тыр.  
Коса-куран  
Шойччө, турун  
Веж да кос.

Челядь шыөн,  
Сера гыөн  
Ю оз ворс.  
Ваыс — көзөд,  
Пемыдлөз өд  
Сылөн вөнъ.  
Муяс вылө,  
Видзьяс вылө  
Пуксис лөнъ.

Вильышпоз . . . . .	3	Локтö төв . . . . .	11
«Лымйыс сапкис-усис ёна...» . . . . .	3	«Пуясöс со...» . . . . .	12
Меным жалыбсь . . . . .	4	«Лун-лун чери кыя каньлы...» . . . . .	12
Чошö . . . . .	4	«Кунва кодь дзик вавис юас...» . . . . .	12
Гожся асыв . . . . .	5	Машук . . . . .	13
Коді мыжа? . . . . .	5	«Чизыр вой төв петис...» . . . . .	14
Каня-пöча (кывбертлас) . . . . .	5	Кöдзыд тулыс . . . . .	15
Мурка . . . . .	6	Майшасьöм . . . . .	15
«Зэр шыö садьми...» . . . . .	7	Май . . . . .	16
Град йöрын . . . . .	7	Сюмбö пыж . . . . .	16
Окма! Кывзысьны колöма! . . . . .	7	Тшайко . . . . .	17
Вотчысь . . . . .	8	Томлун . . . . .	17
«Шондйыс кодь пöжö ёна...» . . . . .	8	Турун пуктöм . . . . .	18
Кизьöр ва . . . . .	8	Турунла . . . . .	18
Пöт кань . . . . .	8	Тайö вöлі Сöдзыю дорын (мойдкыв) . . . . .	19
Катша . . . . .	8	«Тöлаяса вöлі йöр...» . . . . .	22
Васька . . . . .	9	Мый и зэрö? . . . . .	22
Буско . . . . .	9	«Июль шöрын вой төв швичкö...» . . . . .	22
Регыд школад . . . . .	10	Виччыся лым . . . . .	22
Кöдзыд луно . . . . .	10	«Изья берег вывти чожа...» . . . . .	23
Кöсъя быдмыны . . . . .	10		

Художник В. Б. Осипов

Мишарина А. П.

М 71 Вильышпоз: Кывбурьяс. — Сыктывкар: Коми книжнöй издательство, 1993. — 24 л. б.  
ISBN 5-7555-0499-7

«Вильышпоз» — таdzi шусьö Александра Мишариналöн зонпоснилысь сиюм кывбурьяса выль книга. Книгаö овмодчöма зарни рöма да шондйа челядьдыр, вильыш зонкаяслöн да нывкаяслöн гажа луньяс.

84.2Рос 6—5

М 4803310200—031 30—93 м  
М 128 (03)—93

Литературно-художественное издание

МИШАРИНА Александра Петровна

ПРОКАЗНИК

Стихи на коми языке

Редактор А. В. Тентюков  
Художественный редактор  
В. Б. Осипов  
Технический редактор А. Н. Вишнева  
Корректор М. М. Лужикова

ЛР № 010039

Сдано в набор 07.10.93. Подписано  
к печати 28.10.93. Формат 70×90/16.  
Бумага мелованная. Гарнитура «Бан-  
никовская». Печать офсетная. Усл.  
печ. л. 1,75. Усл. кр.-отт. 4,1. Уч.-изд.  
л. 1,51. Тираж 2600. Заказ № 4057.  
Коми книжное издательство. 167610,  
г. Сыктывкар, ул. Карла Маркса, 229.

АО «Коми республиканская типо-  
графия». 167610, г. Сыктывкар, ул.  
Первомайская, 70.



